


恩平縣志

建置

築城鑿池修廢舉墜賢宰所有事也自堂以下舉凡貴賤貧富
老幼無不動息相關將爲保障乎我父我母之頌興將爲繭絲
乎侯詛侯咒之音作使或建置失宜而欲鳴琴坐理安所賴乎
崔豹古今注城者盛也所以盛受民物白居易縣廳壁記庇身
無燥濕之憂視事有朝夕之利此二者固所宜先至倉屋津梁
亦當臚列以重民事非原其始要其終而欲有條不紊厥惟艱
哉志建置



恩平縣志卷之六

建置一

城池

廨宇

倉廩

學宮

書院

城池

縣城卽恩平舊堡明成化二年僉事陶魯以西賊流劫立恩平

堡築甃城

方輿紀要恩平城邑考今恩平縣本恩平堡成化築磚城置巡檢司尋升爲縣卽故址增築

周三

百二十五丈高一丈八尺厚一丈二尺開四門東曰陽和西曰

鎮彝

後改爲鎮平

南曰永通北曰承恩上置敵樓窩鋪十六年開縣

治加高至二丈二尺

正德七年知縣鄒級重修加高至二丈五尺

嘉靖初督撫檄修城垣馬道

二十九年知縣阮琳重修四門城樓及更鋪

四十二年知縣李河圖修四門城樓加築馬路視舊高二尺

隆慶三年里老蘇廷輪等呈請築舊城役出鄉夫不用工食時知縣蕭蔚以地方多故寢其議

隆慶五年兵憲李材檄縣增修

崇正八年秋盜警知縣宋應昇修補頽卸砌築馬路四門外加柵又於城外建更樓二座柵欄十餘處

十二年知縣黃屏以舊城殘破請建新城於黃河壩周四百丈高一丈八尺四城樓各高二丈三尺開三門東曰拱日西曰成慶南曰陽明北爲文昌樓值亂未遷清順治十一年舊城爲王

興黨所毀官吏寄居凹頭寨始謀葺新城以居不果

○按新城今圯

康熙二十四年知縣佟世男奉行修築乃增築城垣馬路垛堞

敵樓之茅茨者咸易以瓦復開西北二門以便民

佟志恩平城址縣民梁恩

故業也建城時議以三坑卹與梁恩易免其夫役奉行允准康熙二十七年恩裔梁英具呈請免准之嗣後有黃坭塘民岑元俊者亦具呈請免以給示送驗則其祖固與梁同讓城址者也并免之

嘉慶十年知縣屈澤霖修城垣馬路

十九年知縣金錫鬯修城垣馬道及四城門皆釘鉄葉道光以

後修葺多次光緒三十四年知縣李祖湘重修

縣池明成化二年僉事陶魯鑿

正德七年知縣鄒級濬廣二丈深一丈今淤

清鑲白旗沈志禮重修恩平縣治記畧州至成化間土賊竊發
恩平縣古南恩州境也自明洪武初廢州至成化間土賊竊發
副使毛公吉被禍於雲岫山嗣僉事陶魯始立恩平堡城後
於成化十五年就堡城而立縣當時經制具備乃歷經土賊蘇
萬里梁明蔡猛三數十輩倡亂相仍至明末百餘年無寧日崇
正癸未知縣鍾彥綱招撫賊吳亞大岑舜覺等甲申知縣陳兆
棠招撫賊王興於是賊勢甚盛官不能制却庫倉戮官吏擄婦
女衙署蕩然而知縣避居蓮塘村誠失計矣朝廷勅定百粵至
順治十五年王興殲滅然恩民殆無子遺康熙二十二年三韓
佟子令於是邑治三載政有聲捐資興建漸復成化之舊今戊
辰夏縣治落成而請記於
余云云府志參前志

解字

縣署

縣署宋爲南恩州署久廢明成化十六年按察使陶魯命知縣
吳理建在東門內中爲聽事堂東爲幕廳西爲庫房後爲知縣

宅堂前兩旁爲六房後爲吏廨中爲露臺爲甬道爲戒石臺
前爲儀門外爲大門內東爲土地祠爲獄房西爲倉門左右爲
申明旌善亭

嘉靖三十三年知縣馮仲芳徙庫房於堂東改幕廳於堂西三
十九年堂圯知縣李河圖重建東爲儀庫西爲幕廳

萬歷十三年知縣姚化中建樓於宅後

明季燬於兵寇蕩然無存官吏寄居凹頭寨者二十餘年清康
熙十五年知縣程學灝奉檄歸正就故衙遺址蓋茅以居
康熙二十六年知縣佟世男捐建衙署俱仍舊制

乾隆十四年衙舍大半傾圯知縣繆錦詳請重修

二十三年知縣張安世增修建內書房三間於後衙東北隅二十八年後衙圯知縣曾萼建復後堂及左右廂內書房及二堂皆添蓋捲棚

嘉慶十二年知縣屈澤霖修大堂及儀門

十八年知縣金錫鬯重修

道光元年知縣鄧必綦添建東書房改建西書房

現在署宇最前中爲聽事堂左爲門號房右爲銀庫房堂前兩旁爲吏廨中爲露臺爲甬道爲儀門爲大門爲照牆大門內東爲土地祠西爲監獄儀門右爲東西羈聽事堂後爲二堂前樹塞門廂房對列堂左爲東書房再左爲廚房右爲西書房再折

而西爲幕房通於常平倉堂後爲內宅有堂房後樓折而東北爲內書房

監獄在儀門外西偏獄門內空地一區再進爲神廳左右獄房各三間道光三年添建一間於空地以便提牢舊有女監一間在神廳後今廢

宣統間規制仍同而殘舊已甚惟監獄於光緒三十四年知事李祖湘修改附習藝所授犯人以工藝

明徐鶴修恩平縣治記署恩平爲山邑而界乎新春隸肇慶府梗戾之民巧於避匿無故而驅之以力役若就桎梏然獵民之資以營公室民有藉藉不受命至計其長上而不忘其邑越恩民不易使也歲已未金陵李子河圖自黃陂量移宰其邑越明年霪雨浹旬吏無寧宇棟撓之災幾不可免李子銳意改作至忘勞瘁請於郡郡無寧宇棟撓之災幾不可免李子銳意改作

胥徒審勢授規不愆於度構政事堂左儀仗庫右贊政廳其諸
內庖別館各有倫次崇高修廣咸與維新民信其不得已而改
也蹶蹶然相與變其梗戾爭率而赴之恐或後後知難使之
民心誠撫之未始不可藉其力是役也經始於辛酉元旦至午
日而竣事錄
前志及參府志

儒學署

舊在縣署西成化十六年建毀於兵康熙二十六年復建乾隆
二十年訓導謝祖錫重修

嘉慶十九年遷於文廟右之文昌祠一連三進後爲宅舍中爲
大堂前爲頭門門外有照牆

同治六年又遷文廟左邊明倫堂後爲尊經閣前爲大門嗣以
地方僻遠時慮疏虞移廬城內各姓祖祠光緒初乃建署城內

東南隅左鄰城守署

參府志

典史署

舊在縣署右後遷於左康熙六十年典史黃槐復遷常平倉之
右乾隆二十九年典史王漢建大堂堂前爲大門門左爲土地
祠門外西偏爲號房堂左右廂爲書辦房堂後爲典史宅中爲
堂左右爲書房後爲後衙四十九年典史孫良諤修嘉慶十七
年典史孫鴻達修光緒三十四年因建地方自治公所遷典史
署於北門內東邊中爲大堂左右爲書房堂前分左右廂房前
爲大門門內爲號房收發房

參府志

城守署

向在城內東南隅順治五年建乾隆二十二年千總王行義詳

准重修嘉慶八年城守黃金彪奉行重修

前志

萬壽宮

在城外東南隅乾隆二十八年知縣曾夢率衆捐建嘉慶十九

年知縣金錫鬯重修

前志

考棚

在縣城東門內科舉時代爲縣知事考試學童之所大門外爲圍牆左右轅門二大門內中爲甬道盡處卽大堂後建屏門再入爲內堂左右二書房內堂前爲空階甬道兩旁爲號舍又東邊全長之附屋及西邊後半之附屋皆爲號舍滿列石桌石櫈

爲考試席位大堂兩邊亦分列席位全院約共八百餘號位及
停止科舉光緒三十一年卽以開辦師範傳習所三十四年又
改爲縣立高等小學堂因地方改造前日碑記多已遷移何時
創建已不可考惟光緒四年重修其碑向存大門內所載重修
姓氏席位其石又多破毀謹搜錄於後以備異時考證焉

吳姓舊新共席四百三十四位

梁姓舊新共席四百零六位

馮姓舊新共席二百四十八位

鄭姓舊新共席二百四十四位

何姓舊新共席一百二十位

岑姓舊新共席一百位

劉姓舊新共席九十八位

張姓舊新共席九十位

司徒姓舊新共席八十六位

陳姓舊新共席八十一位

黎姓舊新共席六十六位

李姓舊新共席六十位

伍姓舊新共席五十五位

謝姓舊新共席四十三位

龔姓舊新共席四十一位

譚姓原席三十八位

莫姓舊新共席三十六位

黃姓舊新共席三十六位

侯姓舊新共席三十五位

甄姓原席三十四位

唐姓原席二十四位

任姓原席二十四位

薛姓原席二十四位

余姓原席二十四位

盧姓原席二十四位

胡姓舊新共席二十四位

許姓原席二十四位

朱姓舊新共席二十位

葉姓原席六位

新席十二位另復舊席二位共二十位

聶姓舊新共席一十九位

鄒姓舊新共席一十八位

林姓舊新共席一十六位

楊姓舊新共席一十二位

溫姓原席一十二位

彭姓舊新共席一十一位